

第一百二十七冊

卷二百四十四

列女傳六

卷二百四十五

列女傳七

新纂雲南通志

盧

漢

題



新纂雲南通志

卷一百一十五


藝文志

詩

七

新纂雲南通志

卷一百一十五



詩

新纂雲南通志卷一百四十四

列女傳六

臨安府一

元

張友直母杜氏通海人年十八夫卒誓不改適教子成名守節六十

四年至正間旌

康熙志

道光志案杜氏舊志作友直妻府志作友直母考友直父早卒以事母杜氏純孝入通海孝義舊志之誤可知矣今改正

蘇那懷女河西人父於元末任曲陀關萬戶同知卒於官弟寶實俱

幼撫育成立終身不字事聞旌

臨安府志

明

喬珣妻許氏通海人年二十一夫卒守節教子成名宣德元年旌

康熙志

邢奎妻江氏建水人正德中隨夫戍廣西南丹衛夫亡氏年二十七

廣人留之不聽携子五負骨歸葬安貧教子後子幹貴封安人

萬曆志

陸華妻薛氏建水人夫爲臨安土官氏年二十夫卒景泰間旌

康熙志

祿萬鍾妻薛氏署義人夫卒守節景泰間旌

康熙志

曾麟妻曹氏建水人年二十六夫卒孝事翁姑撫育幼子成化間旌

萬曆志

張暉妻李氏甯州人年十九夫卒誓死不二苦節事姑宏治五年旌

萬曆志

曾祥妻賈氏建水人祥中宏治舉人祥卒撫子成立守節五十年事

聞旌

萬曆志

楊以榮妻沈氏通海人年十九夫卒遺腹生子有利其產者謀令改

適氏抱子向靈號慟乃自縊鄰婦救免守節四十五年宏治五年旌

康熙志

何儼妻王氏建水人儼中正德舉人氏年二十五儼卒於京家貧貴族有屬媒覘其意者力拒之諸姑以爲言即欲求死教二子甚嚴巡

撫旌之

康熙志

喬榮妻梁氏通海人夫卒守節教子成進士王守仁有貞母歌

臨安府志

楊誥妻尹氏甯州人年十九夫卒無子守節六十二年正德十六年

旌

康熙志

李完妻曾氏臨安衛人夫爲臨安衛指揮使早卒氏以死誓撫子成立子卒撫孫孫卒又撫曾孫守節五十餘年子婦樊死孫婦趙氏皆

勵志守節嘉靖間旌

康熙志

馮文奎妻姚氏建水人文奎嘉靖乙酉舉人計偕卒於京氏年二十五撫遺腹子成立臨終謂之曰汝父旅櫬遠寄京邸慟不欲生以汝故隱忍至今他日葬我幸勿歸祖塋

臨安府志

道光志案選舉文奎作文魁石屏人

楊藩妻劉氏河西人年十八夫卒無子守節六十餘年嘉靖三年旌

康熙志

祁會妻張氏寧州人年二十一夫卒舅姑欲奪其志斷髮自誓守節

五十五年嘉靖八年旌

雍正志

楊本妻范氏阿迷人年十五夫卒無子父母不能奪其志守節六十

餘年嘉靖間旌

康熙志

孫汝材妻段氏通海人年十七夫卒家貧無子有豪門謀娶之以死

自誓終身守節二十八年旌

康熙志

張廷祚妻李氏蒙自人嘉靖三十六年土賊逼城夫兄廷佩與賊戰死夫赴兄難亦死氏守節撫孤卒年九十餘萬曆三十八年奉旨建坊書死義張廷祚妻李氏貞節之門

康熙志

樊氏女建水人惟卿女名蕭幼穎異八歲失怙恃兄爲許字庠生胡啓愚貧有疾弗克娶祖母欲奪而嫁之女聞泣曰從一而終婦之道也聘即大義定矣乃自縊死家人解其屍惟抱胡生原聘物時年二

十一隆慶三年巡撫田應弼布政使陳時範爲文墓祭

臨安府志

王家相妻楊氏石屏人年二十七夫卒事姑孝教子夔龍於萬曆二

十年成進士二十二年旌

康熙志

楊忠國妻王氏石屏人忠國萬曆癸卯舉人氏年二十八隨夫赴京

謁選夫病割股救之不起扶櫬歸葬守節六十年事聞旌

康熙志

王維新妻杜氏河西人年十九夫卒守節四十年萬曆十年旌

雍正志

杜雲漢妻吳氏蒙自人年二十一夫卒撫子成立守節七十四年萬

曆二十年旌

康熙志

趙華妻孫氏通海人夫卒撫子子卒子婦張氏遺腹生孫亦守節如

姑萬曆四十年旌

康熙志

蔡耀妻鄭氏署義人年二十四夫卒撫子成立萬曆間旌

臨安府志

楊懷妻萬氏阿迷人年十六夫溺水死氏聞訃自縊母救免矢志守

節天啓間旌

康熙志

余必明妻楊氏署義人年二十三夫卒紡績養姑撫子允文娶畢氏

年二十二允文亦卒守節如姑天啓間旌

康熙志

台生妻黃氏通海人年二十夫卒宗族欲奪其志不從養孀姑撫子

天啓五年旌

康熙志

劉經妻張氏通海人夫卒依孀母陳氏閉門紡績有求聘者輒抱遺

孤痛哭矢志不從天啓六年旌

康熙志

劉世皞妻李氏建水人崇禎四年普酋之亂度不免與子婦曹氏孫

女惠姐科姐啓姐闔門死節事聞旌

雍正志

王紳妻張氏寧州人年二十四夫卒教二子成名守節五十六年崇

禎五年旌

康熙志

沙鎔金女建水人年十七歲未字普酋之亂人民盡移城內獨女不

肯出門託言腹痛臥牀父母不能強隨投染布缸死

雍正志

仇錫極妻官氏通海人年二十三夫卒普酋之變志罹於賊遂毀面

目獲免於難後訓子成名

臨安府志

夷女六姐建水人女拒暴客死崇禎十年旌立碑城西道左

雍正志

邢應詔妻李氏石屏人土酋之亂爲賊所執大罵不屈死事聞旌

臨安府志

王佐女石屏人年十二賊劫至松塘欲污之女給賊入室室中有井

即投入死

雍正志

段福壽妻孫氏石屏人明季野賊肆掠潛伏田間賊劫之大罵不屈

賊去其齒嚼血噴賊賊支解之

臨安府志

杜存愛妻黃氏義人崇禎十一年土酋入境被執至石山嘴奮身

投崖頭面皆破罵賊不已賊怒分裂其屍學使康成祖書完名全節

四字勒於崖

康熙志

楊懋學妻湯氏阿迷人年二十夫卒孝事舅姑撫子成立崇禎十一

年旌

康熙志

王世昌妻董氏寧州人世昌任泌陽知縣死流寇之難氏聞訃欲自

縊因有子甘貧勵志教子成名卒年七十七

雍正志

黃氏女河西人未字遇賊於碌碌河賊逼之躍入河死督學鄭某書

完名全節於死之石壁崇禎十六年旌

雍正志

趙宏祚妻劉氏通海人沙酋之叛夫被害抱女秀姐投荷池死

臨安府志

紅衣女建水人姓氏失傳流寇陷城同女奴避亂爲賊卒王福所獲

女給賊尋藏金見一井即投入女奴亦從之賊驚去亂定後此賊竄

籍建水嘗與人言之

雍正志

李憲妻高氏建水人年十九夫病割股救之不愈矢志守節歷丁亥

之難殯葬翁姑心力交瘁族里稱之

段大任妻黃氏建水人年二十四夫死丁亥之難遺孤甫二歲有巨姓求爲繼室以死自誓聲色俱厲後遂無敢干者

廖履亨妻曾氏建水流寇陷臨安夫赴水死氏率子女僕婢闔門自縊死

陳竭忠妻楊氏建水人夫任貴州他頗營守備討喬甸賊陣亡事聞給楊月廩丁亥城陷自縊死

楊昱妻夏氏建水流寇圍城告夫曰城必破義不可辱於賊引二子付兩嫗以存楊氏一線預擊縋於樓越三日城陷率二女一婢投縋死

姚省賢妻任氏建水人城陷先一日囑老奴護其子自縊死

黃天秩妻任氏建水人城陷爭先投縋舉家同死者祝氏楊氏周氏

黃氏共七人

楊應梧妻劉氏建水人城陷時命子晁曰速火勿使賊見吾屍子赴火死婦周氏亦自縊

沈果明妻曹氏建水人年十八夫卒矢志守節城陷牽子女投火死葉之蕃妻焦氏建水人夫卒守節二十餘年城陷同姒陳氏縊死鄔士英妻王氏建水人流寇至士英守南城城陷策騎歸王氏已設縋待矣相與登樓縱火子女俱焚死

鄒魯沂妻高氏建水人城陷率子婦吳氏朱氏張氏陳氏孫氏投火死

李春盛妻姚氏建水人城陷同子如心子婦朱氏孫婦張氏闔門自焚

夏啓昌妻沈氏建水人城陷同子婦鄒氏常氏幼孫五人婢數十人自焚死

張燮任妻龔氏建水人城陷投火媳鄒氏祁氏姒王氏姪媳蕭氏馬氏俱焚死

曾有朋妻王氏建水人城將陷有朋出守王偕其姊及夫女弟子女等俱投繯死有朋還亦舉火自焚

吳鼎衡妻洪氏建水人年二十三夫卒撫子成立城陷時年逾六十自縊死

劉昌妻王氏建水人城陷時昌爲賊支解死將王縛馬上登城王給賊下馬墮城死於壕中

劉晟妻台氏建水人城陷晟死於賊台赴火死

曾左泉妻白氏建水人城陷時隨夫率闔家焚死

祁京妻楊氏建水人城陷時年少賊欲犯之楊大罵不屈賊碎其屍
李芬妻高氏建水人城陷與子國杞女西妹俱縊死

趙敏妻王氏建水人敏先卒城陷王託孤於老婢率家屬自焚死

包家苑氏建水人城陷後悍卒縛之女大唾罵不顧悍卒掣刀威逼
不從斷其手足而死

劉僖妻何氏不知何許人僖爲建水知州城陷先一日闔門二十七
口自縊死僖女存存工吟咏嘗有寄姊詩云到處深紅間淺紅小桃
仍舊一番風還鄉有夢何人見盡付題詩不了中感沙事作西江月
詞云潑眼楊花處處出羣沙燕紛紛山南山北正氤氳直待何時方
定一枕朝來風雨幾篇昨暮詩文猩紅鴨綠不須云且對菱花自鏡

亦與於難死時年甫十六

耿廷籙妻楊氏河西人流寇之變夫赴水死氏被執罵賊不屈死

李藻妻耿氏河西人年二十七夫卒丁亥之變爲賊所執耿懷幼子大罵投井死

向曜妻王氏河西人年二十一夫卒丁亥之變母子被執至撒拉溝墜崖而死賊亦感動將子送靈照寺僧曰此烈婦子善撫之

李圖功妻李氏蒙自人丁亥流寇之亂爲卜甯所獲欲污之不從脅以兵氏以頭觸石獅死於文廟前至今焚屍處草不生

李轍妻杜氏蒙自人丁亥流寇突至夫與子失散氏投井中婢救之乘間自縊死

闕琦兆母祁氏 妻王氏 女廣允 子婦王氏 孫女英姐通海

人戊戌年冬潰兵竄緬焚掠邑境祁率其媳女等一門四代蹈海死
陳明汲妻台氏通海人戊戌冬潰兵焚掠台避西山巖下被執欲污
之台誓死不從投入泥塘而死

楊國柱女通海人名菊秀戊戌冬潰兵之變被執義不受辱奔入池
中溺死

王緒永妻繆氏通海人戊戌年被潰兵脅逼欲污之繆抱柱不從厲
聲願死遂殞於兵

劉祚妻陳氏通海人潰兵肆掠投井死

以上臨安府志

高源妻王氏建水人年二十四夫卒子宏甫四歲氏紡績撫之成立

以壽終

萬歷志

趙凝妻王氏建水人年十九夫卒一女幼父母令其改適誓死不從